



Broj: 04-1642-2/18

Datum: 05.10.2018.godine

Na osnovu člana 44. stava 1. tačke 5 Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), i člana 26 stava 1 alineja a) Statuta Zavoda za zapošljavanje Brčko distrikta BiH – prečišćen tekst (br. 04-139/16, 04-1026/16 i 04-1810/16) i Pravilnika o mjerama za podsticaj zapošljavanja- prečišćen tekst (br. 04-1409/16, 04-1013/17, 04-1955/17 i 04-1164/18), Upravni odbor Zavoda za zapošljavanje Brčko distrikta BiH (u daljnjem tekstu: "Upravni odbor"), donio je Odluku broj: 04-1642/18, dana 05.10.2018.godine, da se objavi

JAVNI POZIV

poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne evidencije Zavoda za zapošljavanje Brčko distrikta BiH za 2018. godinu

Cilj ovog Javnog poziva je stvaranje uslova za odlazak u penziju lica starije životne dobi, dugoročnost u zapošljavanju lica starije životne dobi, povećanje socijalne uključenosti i zapošljavanja osoba sa invaliditetom, podrška zapošljavanju djece poginulih boraca i RVI, smanjenje odliva nezaposlenih mladih osoba usljed odlaska u inostranstvo, podrškom zapošljavanja kroz sufinansiranje bruto plate/a.

I. Finansijska sredstva za realizaciju obezbjeđuje Zavod za zapošljavanje Brčko distrikta BiH (u daljem tekstu: Zavod) u iznosu od 240.443,00 KM, za sufinansiranje, kako slijedi:

- NK-SSS - 80% ukupnih sredstava (192.354,40 KM); 5.000,00 KM / po zaposlenom licu
- VŠS-VSS - 20% ukupnih sredstava (48.088,60 KM); 7.000,00 KM / po zaposlenom licu

Sredstva za sufinansiranje zapošljavanja plasiraju se za sljedeće ciljne grupe:

- Zapošljavanje lica starije životne dobi 50 ili više, godina starosti,
- Zapošljavanje osoba sa invaliditetom (osobe sa, minimalno, 50 % invaliditeta),
- Zapošljavanje mladih do 30 godina starosti,
- Djeca poginulih boraca i RVI (stepen invalidnosti minimalno 50%),

za ukupan broj lica, kako slijedi:

- NK-SSS ukupno 38 nezaposlenih lica,
- VŠS-VSS ukupno 6 nezaposlenih lica.


Sredstva za zapošljavanje lica

Sredstva su namijenjena poslodavcima čije se prijave odnose na zapošljavanje 38 lica sa SSS, VKV, KV ili NK (24 mjeseca x 208,33 KM (učesće Zavoda) - bruto plata po zaposlenom iznosi 685,00 KM);

Sredstva su namijenjena poslodavcima čije se prijave odnose na zapošljavanje 6 lica sa VŠS ili VSS (24 mjeseca x 291,66 KM (učesće Zavoda) - bruto plata po zaposlenom iznosi 1004,00KM).

II. Korisnici po ovom programu su poslovni subjekti koji imaju registrovanu poslovnu djelatnost na teritoriji Brčko distrikta Bosne i Hercegovine i redovno izmiruju obaveze po osnovu obaveznih poreza i doprinosa.





Za zapošljavanje lica u stepenu stručne spreme od NK do SSS predviđena su sredstva Zavoda, kako slijedi:

- 5.000,00 KM po zaposlenom radniku, planirano zapošljavanje 38 lica

Za zapošljavanje lica u stepenu stručne spreme od VŠS do VSS predviđena su sredstva Zavoda, kako slijedi:

- 7.000,00 KM po zaposlenom radniku, planirano zapošljavanje 6 lica

Ukoliko sredstva za zapošljavanje lica iz navedenih ciljnih grupa ne budu u cijelosti utrošena zbog nedovoljnog broja poslodavaca koji ispunjavaju uslove po Javnom pozivu ili nedovoljnog broja prijava na istim, mogu biti preusmjerena na zapošljavanje lica iz ciljnih grupa gdje je veće interesovanja poslovnih subjekata.

Poslodavcima se, po ovom Javnom pozivu, po gore navedenim programima, može odobriti finansiranje zapošljavanja maksimalno (ukupno) 3 lica sa aktivne evidencije nezaposlenih, gdje taj broj ne prelazi 50% ukupnog broja zaposlenih lica na neodređeno vrijeme tog poslovnog subjekta na dan objavljivanja javnog poziva, izuzev poslovnih subjekata registrovanih u 2018. godini koji mogu koristiti podsticajna sredstva po ovom programu za zapošljavanje najviše do 1 lica sa aktivne evidencije nezaposlenih.

Poslodavci koji su podržani za sufinansiranje zapošljavanja lica po Javnom pozivu broj 04-1165-2/18 od 03.07.2018.godine i sklopili ugovor sa Zavodom po tom Javnom pozivu, sada mogu da apliciraju samo za preostali broj lica za koje se može odobriti sufinansiranje zapošljavanja, do, ukupno 3 lica sa aktivne evidencije nezaposlenih na nivou godine po Javnom pozivu za zapošljavanje nezaposlenih lica iz kategorije teže zapošljivih, za preostali broj lica, odnosno do ukupnog broja od 3 lica dok poslovni subjekti registrovani u 2018.godini mogu aplicirati za zapošljavanje najviše, do, 1 lica sa aktivne evidencije nezaposlenih, pod uslovom da nisu koristili sredstva po Javnom pozivu broj 04-1165-2/18 od 03.07.2018.godine.

Poslodavac je obavezan, lice čije se zapošljavanje sufinansira, zadržati u radnom odnosu minimalno 24 mjeseca.

Lica koja mogu biti zaposlena po ovom javnom pozivu su lica koja su prijavljena na aktivnoj evidenciji Zavoda za zapošljavanje Brčko distrikta BiH, prije objave javnog poziva. Ista treba da imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva.

Nezaposlena lica sa aktivne evidencije Zavoda, za koja poslodavci apliciraju po programu zapošljavanja lica a spadaju u kategoriju djeca poginulih boraca, obavezna su posjedovati dokaz nadležne ustanove, koji poslodavac dostavlja Zavodu.

Nezaposlena lica sa aktivne evidencije Zavoda, za koja poslodavci apliciraju po programu zapošljavanja a spadaju u kategoriju osoba sa invaliditetom i RVI, obavezna su posjedovati dokaz nadležne ustanove o invalidnosti, koji poslodavac dostavlja Zavodu. U obzir će se uzimati, samo, aplikacije za zapošljavanje lica koja posjeduju dokaz iz kojeg je vidljivo da osoba ima 50 % invalidnosti ili više.

U slučaju da je invalidnost lica izražena u stepenu, a ne u procentu invalidnosti, osoba je obavezna dostaviti uvjerenje koje je konvertovano, iz stepena u procenat invalidnosti, od strane nadležne ustanove.

Ukoliko je stepen/procenat invalidnosti bio predmetom revizije, dostavlja se kopija posljednjeg važećeg dokaza o invalidnosti osobe.

Finansirana će biti i lica koja su radni odnos zasnovala u tekućoj, 2018. godini, s tim da su prije zasnivanja radnog odnosa u 2018. godini bila prijavljena na aktivnoj evidenciji nezaposlenih lica Zavoda za zapošljavanje Brčko distrikta BiH prije zapošljavanja, te da imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva. Programom će se dati prioritet poslodavcima koji:

- su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), što dokazuju validnom dokumentacijom ;
- su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), što dokazuju validnom dokumentacijom;





- aktivno učestovali na Sajmu zapošljavanja i obrazovanja u maju 2018.godine, sa otvorenim oglasima za novo zapošljavanje/popunjenom anketom;
- koji imaju veći broj zaposlenih radnika u radnom odnosu na neodređeno vrijeme (u ovaj broj ne ulaze zaposlena lica za koje je poslodavac koristio sredstva po Javnom pozivu broj 04-1165-2/18 od 03.07.2018.godine).

III. Komisija neće vršiti obradu i ocjenu programa poslodavca za korištenje sredstava za podsticaj zapošljavanja, po ovom Javnom pozivu, i predložiće odbacivanje istog, u sljedećim slučajevima :

- a) koji ne ispunjavaju uslove iz Zakona o zapošljavanju i pravima za vrijeme nezaposlenosti, Pravilnika o mjerama za podsticaj zapošljavanja i ovog javnog poziva;
- b) kod kojih nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu ili ga poslodavac nije prijavio na PIO/MIO i zdravstveno osiguranje;
- c) kod kojih nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom;
- d) koji ne dostave potpunu prijavu;
- e) kod kojih, broj zaposlenih na neodređeno vrijeme u mjesecu koji prethodi mjesecu objavljivanja javnog poziva, je manji od broja zaposlenih na neodređeno vrijeme na dan 31.12.2017.godine, izuzev u slučaju smrti i penzionisanja radnika, kao i u slučaju svojevoljnog prestanka radnog odnosa, ali pod uslovom da umjesto tog radnika do momenta zaključivanja javnog poziva, primi drugog radnika u radni odnos na neodređeno vrijeme;
- f) koji su registrovani u skladu sa Zakonom o udruženjima građana i fondacijama Brčko distrikta BiH i Zakonom o mjesnim zajednicama u Brčko distriktu BiH. Izuzetno od ovog stava, sredstva namijenjena za zapošljavanje nezaposlenih lica iz kategorije teže zapošljivih ciljnih grupa, mogu se dodijeliti i udruženjima građana, pod uslovom da udruženje ima najmanje jedno lice zaposleno na neodređeno vrijeme;
- g) ukoliko je aplikant javna ustanova;
- h) ukoliko je aplikant javno preduzeće;
- i) ukoliko je aplikant organ uprave ili drugi budžetski korisnik;
- j) ukoliko je aplikant visokoškolska ustanova;

IV. Poslodavci čiji Programi budu podržani dužni su dostaviti, u ostavljenom roku, sljedeću dokumentaciju:

1. kopiju rješenja o osnivanju pravnog lica ili preduzetnika;
2. kopiju rešenja o registraciji poreznog obveznika u Poreznoj upravi Brčko distrikta BiH (JIB);
3. kopiju obavještenja o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
4. kopiju kartona deponovanih potpisa ovlaštenih osobau poslovnoj banci na koji će sredstva biti uplaćivana;
5. uvjerenje o izmirenim obavezama sa stanjem mjeseca koji prethodi mjesecu objave javnog poziva, po osnovu direktnih poreza i doprinosa za PIO/MIO, za slučaj nezaposlenosti i zdravstveno osiguranje, original ili ovjerenu kopiju;
6. potpisanu i ovjerenu izjavu, od strane firme koja aplicira, o prijavi radnika na Fond penzijsko-invalidskog osiguranja Republike Srpske - PIO RS ili Federalni Zavod za penzijsko-mirovinsko osiguranje PIO/MIO, ili su radnici prijavljeni kod PIO RS i PIO/MIO Federacije BiH;
7. obrazac MIP (mjesečni izvještaj o platama) za decembar 2017. godine i za mjesec koji prethodi mjesecu objave javnog poziva (septembar 2018.godine) kojim se dokazuje da broj zaposlenih na neodređeno vrijeme (u ovaj broj ne ulaze lica





za koje je poslodavac koristio sredstva po Javnom pozivu broj 04-1165-2/18 od 03.07.2018.godine) na dan objavljivanja javnog poziva nije manji od broja zaposlenih na neodređeno vrijeme na dan 31.12.2017.godine

8. spisak lica koje poslodavac namjerava zaposliti ili je zaposlio u tekućoj 2018. godini, izuzev lica zaposlenih po Javnom pozivu broj 04-1165-2/18 od 03.07.2018.godine, sa aktivne evidencije Zavoda za zapošljavanje Brčko distrikta BiH (unos se i u Prijavu za učešće na javnom pozivu);
9. ovjerenu izjavu poslodavca da će lice čije se zapošljavanje finansira zadržati u radnom odnosu minimalno 24 mjeseca;
10. ovjerenu izjavu da, po ovom programu, neće zaposliti lice koje je otpustio u posljednja 24 mjeseca do momenta objavljivanja javnog poziva;
11. ovjerenu izjavu da za lice koje želi zaposliti putem ovog javnog poziva, nije ostvario sredstva podsticaja u Vladi BD BiH ili po bilo kom drugom osnovu;
12. ukoliko su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposlen pripravnik, fotokopiju radne knjižice pripravnika koji je zadržan u radnom odnosu, ugovor o obavljanju pripravničkog staža;
13. ukoliko su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposleno lice po programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu)
14. kopiju posljednjeg važećeg dokaza o invalidnosti osobe koju namjerava zaposliti ili je zaposlio;
15. uvjerenje nadležnog organa o statusu stečenom po osnovu Zakona o dopunskim pravima porodica poginulih i nastradalih boraca i ratnih vojnih invalida, a koje ne može biti starije od tri mjeseca;
16. potvrdu ili listing o radnom stažu iz PIO/MIO lica koje želi zaposliti ili je zaposlio starije životne dobi 50 ili više, godina starosti, koja imaju 10 i više godina radnog staža (bez ratnog staža);
17. druga dokumentacija za koju Komisija ocijeni da može biti od značaja prilikom rješavanja prijave.

V. Bodovanje i rangiranje zahtjeva poslodavaca-aplikanata vršiće Komisija za obradu i ocjenu programa zapošljavanja za 2018.godinu (u daljem tekstu: Komisija) koja će u skladu sa objavljenim kriterijima izvršiti rangiranje nakon provjere dostavljene dokumentacije.

Komisija, koju imenuje Direktor Zavoda, sastoji se od pet članova, od kojih su dva člana zaposlenici Zavoda, po jedan predstavnik Odjeljenja za privredni razvoj, sport i kulturu Vlade BD BiH, Sindikata BD BiH i jedan član Udruženja poslodavaca BD BiH.

- a. Nepotpune i neblagovremene prijave neće biti uzete u obzir prilikom rangiranja.
- b. Prema osnovnim kriterijima za vrednovanje prijave, vrši se provjera podataka za lica - na osnovu službene evidencije Zavoda i Odjeljenja za javni registar Brčko distrikta BiH i za poslodavce - na osnovu podataka koje je Zavod dobio od Inspektorata Brčko distrikta BiH u 2018. godini do momenta objave javnog poziva, i sačinjava se preliminarna rang lista.

Ocjena programa zapošljavanja vrši se dodjeljivanjem bodova, na osnovu sljedećih kriterija:

- a) Pretežna djelatnost poslodavca:
 - proizvodna djelatnost – 100 bodova (osnovni broj bodova)
 - ostale djelatnosti – 80 bodova (osnovni broj bodova)





- b) Poslodavcima koji su koristili sredstva za zapošljavanje po prethodnim programima aktivne politike zapošljavanja i zapošljavana pripravnika, koje je provodio Zavod, a po završetku obaveza iz programa su lica zadržali u radnom odnosu (da rade i sada u tim firmama) vrednuje se sa 5 bodova, za svako lice
- c) Poslodavcima se dodjeljuje određen broj bodova zavisno od broj zaposlenih radnika na neodređeno vrijeme, (osim lica za koja su ostvarili podsticajna sredstva Javnom pozivu broj 04-1165-2/18 od 03.07.2018.godine) vrednuje se 1 bodom, za svako lice
- d) Poslodavcima koji zapošljavaju ili su zaposlili lice starije životne dobi koje ima 10 ili više godina radnog staža, priznatog od nadležnih fondova PIO/MIO, vrednuje se sa 10 bodova, za svako lice, (osim lica za koja su ostvarili podsticajna sredstva Javnom pozivu broj 04-1165-2/18 od 03.07.2018.godine) .
- e) Poslodavcima koji zapošljavaju ili su zaposlili osobu sa invaliditetom, kao i RVI, vrednuje se dodatnim bodovima i to: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova, kao i za zapošljavanje djece RVI i to kako slijedi: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova, djeca poginulih boraca- 10 bodova, (osim lica za koja su ostvarili podsticajna sredstva Javnom pozivu broj 04-1165-2/18 od 03.07.2018.godine).
- f) ukoliko je poslodavac tokom fiskalne 2018.-e godine otpustio radnika koji je ostvario pravo na novčanu naknadu za vrijeme nezaposlenosti, u Zavodu , od ukupnog broja bodova, odbija se, za svako lice koje je koristilo/ koristi novčanu naknadu, 10 bodova
- g) ukoliko je poslodavac uzeo aktivno učešće na Sajmu zapošljavanja i obrazovanja u maju 2018.godine, sa otvorenim oglasima za novo zapošljavanje, vrednuje sa sa 10 bodova, kao i poslodavac koji je kroz isti Program učestvovao u popunjavanju ankete, vrednuje se sa 5 bodova;
- h) ukoliko poslodavac zapošljava ili je zaposlio nezaposleno lice koje je učestvovalo u radu Kluba za traženje posla ili u procesu individualnog savjetovanja, svako lice vrednuje se sa 5 bodova,

Nakon ocjena programa zapošljavanja Komisija sačinjava preliminarnu rang listu poslodavaca sa utvrđenim brojem lica koja će biti zaposlena i iznosom sredstava koja će poslodavcima biti mjesečno refundirana/jednokratno isplaćena prema broju ostvarenih bodova, sa napomenom, da ukoliko više rangiranih lica ima isti broj bodova prioritet se daje proizvodnim firmama i na kraju licima s aktivne evidencije Zavoda, saglasno dužini čekanja uzimajući u obzir datum posljednje prijave u tom stepenu stručne spreme.

Ukoliko poslodavci sa rang liste ne dostave traženu dokumentaciju u ostavljenom roku, ukoliko dokumentacija ne odgovara datoj izjavi, ukoliko je nepotpuna dokumentacija, ukoliko poslodavci odustanu od podnesenog zahtjeva ili traženog lica i sl., a kojima se odobravaju sredstva podsticaja do iznosa utvrđenog Javnim pozivom i Odlukom direktora Zavoda za zapošljavanje Brčko distrikta BiH, sredstva će biti dodijeljena sljedeće rangiranim poslodavcima.

VI. Nakon što direktor Zavoda potvrdi rang listu poslodavaca, predloženu od strane Komisije, sa istim se vrši potpisivanje ugovora o korištenju sredstava po Javnom pozivu poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne evidencije Zavoda za zapošljavanje Brčko distrikta BiH za 2018. godinu.





- (1) Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 24 jednake rate, po dostavljanju dokumentacije, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period od, minimalno, 24 mjeseca (ugovorom će biti preciziran rok na koji garancija treba biti izdata).
- (2) Dokumentacija koju je poslodavac dužan mjesečno dostavljati Zavodu radi sačinjavanja Izvještaja o ispunjavanju uslova za isplatu i Izvještaja o poštovanju ugovornih obaveza je:
 - a) potpisane i ovjerene platne liste za plate lica čije se zapošljavanje finansira,
 - b) uplatnice za pojedinačne isplate plata (za sufinansirana lica) u slučaju zbirne uplate plata, kopije izvoda banke iz kojih je vidljiva isplata pojedinačnih neto plata , poreza i doprinosa za sva zaposlena lica,
 - c) mjesečni izvještaj o isplaćenim platama (obrazac MIP 1023 i obrazac 2002),
 - d) pregled prisustva/odsustva na/sa poslu/a.

VII. Poslodavac, u periodu ugovornog odnosa, mora zadržati broj radnika na neodređeno vrijeme koje je imao u mjesecu koji prethodi mjesecu objave javnog poziva uvećan za broj lica čije se zapošljavanje sufinansira po ovom Javnom pozivu, izuzev u slučaju smanjenja ukupnog broja radnika po osnovu smrti ili penzionisanja radnika.

(1) Zavod kontinuirano prati realizaciju ugovornih obaveza poslodavca na sljedeći način:

- a) provjerom dokumentacije koju poslodavac mjesečno dostavlja radi pravdanja odobrenih sredstava,
- b) kontrolom provođenja ugovornih obaveza neposredno kod poslodavca, ukoliko se za to ukaže potreba.

(2) U slučaju raskida ugovora o radu sa sufinansiranim licem, poslodavac je dužan odmah o tome obavijestiti Zavod i u roku od 30 dana zaključiti ugovor o radu sa licem koja ispunjava uslove za zamjenu na preostali period ugovorne obaveze.

(3) Ukoliko se utvrdi da poslodavac ne ispunjava ugovorne obaveze pokreće se postupak raskida ugovora, u skladu sa Pravilnikom o mjerama podsticaja za zapošljavanje i Ugovorom zaključenim između Zavoda i Korisnika sredstava .

VIII. Javni poziv će biti objavljen u sredstvima javnog informisanja, na oglasnoj ploči Zavoda i web stranici Zavoda www.zzzbrcko.org

Sastavni dio Javnog poziva je Prijava za učešće na Javni poziv poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne evidencije Zavoda za zapošljavanje Brčko distrikta BiH za 2018. godinu, i izjave.

Poziv ostaje otvoren od 05.10.2018.godine, do 19.10.2018. godine. U navedenom terminu poslodavci su dužni dostaviti, uredno popunjenu Prijavu, Izjave, Obavještenje o razvrstavanju poslovnog i drugog subjekta prema djelatnosti, dokaz nadležne ustanove o invalidnosti lica, za lica koje želi zaposliti ili je zaposlio starije životne dobi 50 ili više, godina starosti, koja imaju 10 i više godina radnog staža (bez ratnog staža) dostaviti potvrdu ili listing o radnom stažu iz PIO/MIO i ugovor o radu, prijavu na PIO/MIO i zdravstveno osiguranje ukoliko je lice već prijavljeno u 2018.godini (ne odnosi se na lica za koja su ostvarili podsticajna sredstva Javnom pozivu broj 04-1165-2/18 od 03.07.2018.godine).

Na osnovu Prijave i izjava, Komisija za obradu i ocjenu programa zapošljavanja će sačiniti preliminarnu rang listu koju će usvojiti direktora Zavoda i kao takva će biti objavljena na web stranici www.zzzbrcko.org i oglasnoj tabli Zavoda.

Žalbe na objavljenu Rang listu se mogu uložiti u pisanoj formi u roku od osam dana od dana objavljivanja, Upravnom odboru Zavoda, sa naznakom „Žalba na Rang listu po Javnom pozivu poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne





ZAVOD ZA ZAPOŠLJAVANJE BRČKO DISTRIKTA BiH
ЗАВОД ЗА ЗАПОШЉАВАЊЕ БРЧКО ДИСТРИКТА БИХ
EMPLOYMENT INSTITUTE OF BRČKO DISTRICT OF BiH



Fra Šimuna Filipovića br. 2,
76100, Brčko distrikt BiH



049 217 411



049 217 412



Фра Шимуна Филиповића бр. 2,
76100, Брчко дистрикт БиХ



www.zzzbrcko.org



info@zzzbrcko.org

evidencije Zavoda za zapošljavanje Brčko distrikta BiH za 2018. godinu „ u Zavodu za zapošljavanje Brčko distrikta BiH, „ Fra Šimuna Filipovića „ 2.

Potrebnu dokumentaciju navedenu u Prijavi i izjavi, poslodavci su dužni dostaviti Zavodu za zapošljavanje Brčko distrikta BiH, u roku od deset dana od dana objavljivanja rang liste.

IX. Obrazac Prijave za učešće na Javnom pozivu poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne evidencije Zavoda za zapošljavanje Brčko distrikta BiH za 2018. godinu i izjave možete preuzeti u Zavodu za zapošljavanje Brčko distrikta BiH ili na web stranici www.zzzbrcko.org.

X. Prijave na javni poziv poslodavcima za zapošljavanje nezaposlenih lica iz kategorije teže zapošljivih (lica starije životne dobi, osobe sa invaliditetom, djeca poginulih boraca i RVI, mladi do 30 godina) sa aktivne evidencije Zavoda za zapošljavanje Brčko distrikta BiH za 2018. godinu, dostaviti putem protokola Zavoda za zapošljavanje Brčko distrikta BiH.

Predsjednik Upravnog odbora



/Rasim Smajlović dipl. pravnik/